



## MA'MURIY JAVOBGARLIK TO'G'RISIDAGI QONUN HUJJATLARI VA UNING YUZAGA KELISH PRINSIPLARI

*Mansurov Arslon Askarovich*  
*Toshkent shahar IIBB EKM eksperti kapitan*

**Annotatsiya:** Ma'muriy huquqbuzarlik to'g'risidagi ishlar huquqbuzarlik to'g'risidagi ish ko'rilayotgan vaqt va joyda amal qilib tutgan qonun hujjatlari asosida yuritiladi.

**Kalit so'zlar:** Ma'muriy huquqbuzarlik, ma'muriy javobgarlik, fuqarolarning huquq va erkinligi, qonunlarga rioya etish.

Ma'muriy javobgarlik to'g'risidagi qonun hujjatlarining asosiy vazifasi — inson va jamiyat tarovonligi yo'lida fuqarolarning huquq va erkinliklarini, mulkni, davlat va jamoat tartibini, tabiiy muhitni muhofaza qilishni, ijtimoiy adolat va qonuniylikni ta'minlashni, ma'muriy huquqbuzarliklar to'g'risidagi ishlarning o'z vaqtida va obyektiv ko'rib chiqilishini, shuningdek, bunday huquqbuzarliklarning oldini olishni, fuqarolarni O'zbekiston Respublikasi Konstitutsiyasi va qonunlariga rioya etish ruhida tarbiyalashdan iboratdir. Bu vazifalarni amalga oshirish uchun, qonun hujjatlari, qanday harakat yoki harakatsizlik ma'muriy huquqbuzarlik hisoblanishini, ma'muriy huquqbuzarlikni sodir etgan shaxsga nisbatan qaysi olgan (mansabdor shaxs) tomonidan qay tartibda qanaqa ma'muriy jazo qo'llanilishi va ijro etilishini belgilaydi.

Ma'muriy javobgarlik to'g'risidagi qonun hujjatlari sohasida Qoraqalpog'iston Respublikasi hamda xalq deputatlari viloyatlar va Toshkent shahar Kengashlari, viloyatlar va Toshkent shahar hokimlari:

1) jamoat tartibini saqlashga doir masalalar yuzasidan, basharti bu masalalar Kodeks bilan tartibga solinmagan bo'lsa, shuningdek, tabiiy ofatlar va epidemiyalaiga qarshi kurash masalalari boyicha ularni buzganlik uchun ma'muriy javobgarlikka tortish nazarda tutilgan qarorlar qabul qilish;

2) ma'muriy javobgarlikka sabab bo'ladigan quyidagi qoidalarni belgilash:

a) ov qilish yoki baliq tutish qoidalarini, shuningdek, hayvonot dunyosidan foydalanishning boshqa turlarini amalga oshirish qoidalarini;

b) hayvonlarni karantinga qo'yish qoidalarini va boshqa veterinariya-sanitariya qoidalarini;

d) it va mushuk boqish qoidalarini;

e) shaharlarni va boshqa aholi punktlarini obodonlashtirish qoidalarini;

f) shaharlardagi daraxtlarni shikastlantirish yoki ularni o'zboshimchalik bilan kesib tashlashni;



g) yonilg'i-moylash materiallari bilan, dori-darmon vositalari yoki tibbiy buyumlar bilan qo'lda savdo qilish yoxud shaharlarda belgilanmagan joylarda qo'lda savdo qilishni;

h) bozorlarda savdo qilish qoidalarini.

Davlat organlari, fuqarolarning o'zini-o'zi boshqarish organlari, jamoat birlashmalari ma'muriy huquqbuzarliklarning oldini olish, ularning sodir etilishiga olib keluvchi sabablar va sharoitlarni aniqlash hamda bartaraf etishga, fuqarolarni ongli, intizomli bo'lish, O'zbekiston Respublikasi Konstitutsiyasi va qonunlariga rioya qilish ruhida tarbiyalashga yo'naltirilgan tadbirlar ishlab chiqadilar va ularni amalga oshiradilar. Mahalliy davlat hokimiyati organlari O'zbekiston Respublikasi Konstitutsiyaga, Qoraqalpog'iston Respublikasi hududida esa Qoraqalpog'iston Respublikasi Konstitutsiyasiga ham muvofiq qonuniylik, huquq-tartibot va fuqarolar xavfsizligini ta'minlab, o'z hududlarida barcha davlat organlari va jamoat birlashmalarining ma'muriy huquqbuzarliklarning oldini olish borasidagi ishlarini muvofiqlashtirib turadilar, ichki ishlar organlari, voyaga yetmaganlar ishi bilan shug'ullanuvchi komissiyalar hamda ularga hisobdor ma'muriy huquqbuzarlik bilan kurash olib boruvchi boshqa organlar faoliyatiga rahbarlik qiladilar.

Ma'muriy huquqbuzarlik uchun hech kim qonun hujjatlarida belgilangan asoslar va tartibdan boshqacha tarzda ta'sir ko'rsatish chorasiga tortilishi mumkin emas. Ma'muriy huquqbuzarlik to'g'risidagi ishlar yuritish qonuniylikka rioya qilish asosida olib boriladi.

Tegishli vakolat berilgan organlar va mansabdor shaxslar ma'muriy ta'sir ko'rsatish choralarini o'z vakolatlari doirasida qo'llaydilar. Ma'muriy huquqbuzarlik uchun ta'sir ko'rsatish choralarini qo'llash chog'ida qonun hujjatlari talablariga rioya etilishi vakolatli yuqori turuvchi organlar va mansabdor shaxslar tomonidan muntazam ravishda nazorat qilib turilishi bilan, prokuror nazorati bilan, shikoyat berish huquqi bilan ta'minlanadi.

Ma'muriy huquqbuzarlik uchun javobgarlikni belgilovchi yoki javobgarlikni kuchaytiruvchi hujjatlar esa orqaga qaytish kuchiga ega bo'lmaydi.

Ma'muriy huquqbuzarlik to'g'risidagi ishlar huquqbuzarlik to'g'risidagi ish ko'rilayotgan vaqt va joyda amal qilib tutgan qonun hujjatlari asosida yuritiladi. Demak, ma'muriy javobgarlik to'g'risidagi qonun hujjatlari, boshqa ma'muriy-huquqiy normalar singari, birinchi navbatda O'zbekiston Respublikasi Konstitutsiyasini, shuningdek, turli huquq sohalari (konstitutsiyaviy, ma'muriy, mehnat, moliyaviy, fuqarolik va h.k.lar) normalarini amalga oshirilishini va himoya qilinishini ta'minlashni nazarda tutadi.

Ma'muriy javobgarlikni tartibga soluvchi asosiy qonun hujjati — O'zbekiston Respublikasi Ma'muriy javobgarlik to'g'risidagi kodeksi bo'lib, respublika miqyosidagi ma'muriy javobgarlik normalarini tartibga soladi, ya'ni:

birinchidan — ma'muriy javobgarlik to'g'risidagi qonun hujjatlarining umumiy holatlari va prinsiplarini mustahkamlaydi;



ikkinchidan — respublika miqyosida umummajburiylik xususiyatiga ega bo‘lgan qoidalarning buzilishi uchun ma‘muriy javobgarlikni o‘matadi;

uchinchidan — ma‘muriy huquqbuzarlik ishlarini ko‘rib chiqish va ma‘muriy jazo qo‘llash to‘g‘risidagi qarorlarni ijro etish jarayonini tartibga soladi;

to‘rtinchidan — ma‘muriy jazo turlarini va ma‘muriy-protsessual majburlov choralarini o‘matadi. Deyarli barcha ma‘muriy javobgarlikni belgilovchi huquqiy normalar, O‘zbekiston Respublikasi Ma‘muriy javobgarlik to‘g‘risidagi kodeksi doirasida umumlashirilgan. O‘zbekiston Respublikasi ma‘muriy javobgarlik to‘g‘risidagi qonun hujjatlari:

1) moddiy va protsessual huquqiy normalar tizimini o‘zida ifoda etadi;

2) fuqarolarning ma‘muriy javobgarligini nazarda tutadi;

3) ma‘muriy va sud tartibida ma‘muriy huquqbuzarliklar uchun qo‘llaniladigan ma‘muriy javobgarliklarni tartibga soladi. O‘zbekiston Respublikasining Jinoyat, Jinoyat-protsessual, Fuqarolik va Fuqarolik-protsessual kodekslaridan farqli ravishda, Ma‘muriy javobgarlik to‘g‘risidagi kodeks, ikki xildagi huquqiy normalarni o‘zida ifoda etgan:

a) javobgarlikning umumiy holatlarini va prinsiplarini, huquqbuzarlik tarkibini, ma‘muriy jazo choralarini belgilab beruvchi — moddiy huquqiy normalar; b) huquqbuzarlik ishlarini ko‘rib chiqish va jazo qo‘llash to‘g‘risidagi qarorlarni ijro etish jarayonini tartibga soluvchi — protsessual-huquqiy normalar.

Xulosa o‘rnida, Ma‘muriy javobgarlik — yuridik javobgarlikning alohida turi hisoblanadi. Bir vaqtning o‘zida, ma‘muriy javobgarlik ma‘muriy huquqiy majburlovning ko‘rinishi bo‘lib, uning barcha xususiyatlariga egadir.

### Adabiyotlar

1. Князев С.Д. Административное право: Учеб. пособие. Владивосток. 1997.
2. Алехин А.П., Кармоликий А.А., Козлов Ю.М. Административное право Российской Федерации. Учебник. — М.: «ЗЕРЦАЛО», 1998.
3. Административное право Республики Узбекистан / / Авт. коллектив: Алимов Х.Р., Соловьева Л.И. и др. / - Т.: «Адолат», 1999.
4. Административное право. — М.: «Юрист», 2000